

Taitus

1 ¹Ŋai Pol, Anut san urat tamol ipilianag go Jesus Kristus san aposel
ŋilasa ya. Inŋsan pilianek tamolpein sad ilo rumok an ilasa wak,
agod maŋau a ru rumok san an lo id Anut san kagin turi tupanip tator o
ipilianag a. ²Ilo rumok maŋau da yan sad fun man, kumaen pempem san
tiŋane wan san tini ganek an id ilod lo yen da. Anut inŋ sewak tamol tia
ya. Saen tan en gamugo ilasa dugo kumaen a ipanad an niŋen o promis
igane ya. ³Agod saen a ipiliani an lo inŋsan ru an kuai isip yen a. An
ŋaisag ru fulalek lo ago igane ilasa ya. Anut idsad binawek tamol inŋsan
ru kagin ibol an lo urat an ŋai banig lo igane ya.

⁴O Taitus, oŋ ŋaisag nanug mok igo ya, oŋsa ilo rumok maŋsama da
naon kisaek a. Bai Anut inŋ Jesus Kristus idsad binawek an da inŋsad ilo
panek, maror da dupanop oŋ da amado wa.

Taitus Krit nui lo urat igane ya

⁵Saen ŋai Krit nui na oŋ ŋibisawo man fun igo ya. Urat awan atna
yan muruan anda ya, amaiak kubune itout o ŋibisawo ya. Ago dop
imug ŋurupaio ago mi midaeŋ ilon lo panu kisaek kisaek atem matu
pilianai idu wa. ⁶Aria, midaeŋ ilon lo matu pilianai man tamol naok
igo ya. Tamol inŋ niŋen o ru ta dubol na da, agod inŋ iwon kisaek a. Inŋsan
nanun muroun ilod lo rumok ak, agod inŋ tinad tamad awad paen na mi
dumado wa. Ago gug inŋsan nanuk silei tinadi dop man, inŋ urat tamol
ta imado na wa. Kabelan nanuk fud saian an lo tamad diabi idu banau.
⁷Man dugo, midaeŋ san kagin panek tamol man sad tureŋ lo tamolpein
inŋ lo muruan ta dile na da. Man ata wo, inŋ Anut san urat tamol. Fun an
niŋen o inŋ kabuŋan ta sakar na wak, tiŋaen ta saian kisaek oŋ na wak,
inŋ you sakar ak ta iluk na wak, agod wagai gidigidad ta igane na wa.
Inŋ dal saiak saiak lo filian inŋane wo ago ta igane na wa. ⁸Tia, inŋ kagin
uyan ak mi igane wo imat ak, tamol asau ipalu dop kagin ipani uyanan
a. Inŋ tamol kankan uyanan anda wak, inŋ tamol itaot ak, inŋ tamol gun ak,
agod inŋsen ulum an yabi dop sen tinin kagin ipani uyanan an ilonŋ a. ⁹Inŋ
ru uyanan a gubak mi dupiteŋanad go ilod tupani dan mi yabituani wa.
An lo piteŋanek a uyanan an san maŋau ka ipiteŋanai siŋaokan a, agod

tamolpein a iŋsan awan lo dipirgini dan iŋsan pitejanek uyanan an lo awad yafutani wa.

¹⁰Man dugo, id lulujad lo tamolpein wei mi naok igo ya, iŋ silei digane dak, iŋ ru kawan diŋiŋeŋ da, agod sewak tinadi, nek a muluŋ san doup ama ya. ¹¹Tamol naok ago yak oŋ awad wafutani wo uyanan a. Man dugo, iŋsad ŋiŋeo lo pitejanek saian ak tamolpein dukubiai pidinai dop lo filian diŋane wo ago digane da. An lo iŋ tamolpein sad samun dukubulai da. ¹²Iŋsiganed profet ta igo ibol, “Krit tamol man pempem sewak digane da, iŋ bor goun saiadi ak igo ya, agod dam tuŋalek tinadi a.” ¹³Agod ru an ru rumok a. Amaiak niŋen o ru dabai anda nam pidai dop lo iŋaned ilo rumok an dukubunep itaot a. ¹⁴Kabelan iŋ kududod dugure dop Juda adi sad am rumok tia yan diganuri boi, tia, tamol a ru rumok patud dupani dan sad ru kagin duri banau. ¹⁵Tamol ikok ak iŋsan ilo sou lo mel an fidian ikok a. Ak man tamol a ilon lo ta ikok na yan, agod ilo rumok an tia yan, iŋ lo mel fidian nun a. Tamol naok an iŋsan kankan, iŋsan maŋau lo sen malan isue ya. ¹⁶Iŋ awad lo Anut duloŋ ago dubol da, ak man iŋsad kagin naok naok lo iŋsiganed ru an sewak ru mi kuai te id dukubiai panad da. Iŋ saiadi geig a. Awa parsisalek tinadi ak, agod iŋ mel uyan ak ta digane ilasa san dam ta idaisuda na ya.

Midaeŋ ilon lo urat tamol urat uyan digane san ru kagin

2 ¹Aria, Taitus, oŋ melmel uyan a pitejanek itaot ak san dal lo uyan ipani dan mi pitejanaip duloŋ a. ²Tamol busumak rupidai duloŋ dop kagin uyan ak mi digane dop tamol mok oŋ dumado wa. Iŋsed ulum ad diabi uyan ak, iŋ ilod lo rumok pe itaot ak, ilo panek amad da dumado wak, agod dam muruan funfun lo dutur sakar a.

³Nek ago mi pein busumak rupidai dop Anut naon na dumado dak igo woŋ kagin uyan ak lo mi dumado dutor a. Iŋ uf ru ta dubol na wak, agod you sakar an ulum ad ta yabi na wa. Iŋ kagin uyan an mi tamolpein dupitejanai a. ⁴Ago dop pein kubakan ŋied murna an dile dop iŋaned tamol niŋedi wo dumat ak, iŋaned nanuk dam niŋedi wo dumat a. ⁵Agod iŋsed kagin ipidinai dop madok gun ak lo mi dumado wa. Iŋ pein uyadi, iŋaned ab kagin dupani uyan ak, agod iŋaned tamol awad paen na dumado wa. Ago dop kagin an lo talpein ta Anut anen ru yabi idu san tia ya.

⁶Nek ago mi tamol murna yak dam sed tinid kagin dupani uyan ak niŋen o ru kagin pidinai a. ⁷Oŋ oŋsa madok itaot an gane ilasa, an lo oŋse mok oŋane tura murou mitilaen uyanan an kubiai dile dop iŋ dam ago digane wa. Anut anen ru ubol itaot dan niŋen o kagin gane wa, ago dop ru saian ta awa lo ilasa san tia ya. ⁸Oŋsa ru man tamolpein ibinawai san mi ubol ilasa wa, ago dop an lo pirginek tamolpein miai ifu wa. Iŋ mel saian ak ta dilep ate id Kris tamolpein dupaiad san tia ya.

⁹Urat bigabeg adi rupidai, ijaned urat fidian digane dan lo, in tamad awad paen na dumado dop lo ilo uyan dupidinai o maeg digane wa, ago dop tamad awad lo ta dipirgini na wa. ¹⁰Ijaned tamadi an san mel ta digam na wa. Tia, mel fidian lo in awa yabek kagin mi digane da. An lo in sad kagin naok naok a digane na yan lo Anut idsad binawek an san pitejanek bala dupani wa.

¹¹On ago pitejanai a, man dugo, Anut san ilo panek kuai tem tamolpein fidian malad lo igane ilasag dile ya. Insan ilo panek an lo idsad aupasek naon tisini wan lo ipasad injiliad a. ¹²Insan ilo panek an lo manau ipitejanad a, an lo kagin fidian a Anut kagin igo tia yan patud tupani da, agod tan san mala bulbal an fidian “tamoi ak” ago tabol a. Agod dam an iduduwad pe idsinaned ulum ad tabi uyan dop, idsad madok tan en lo tiganep itaot ilasa dop, Anut san kagin turi tupanip ago tator a. ¹³Ago dugo mel uyanan a ilasa wan ninjen o mala nouk tumado da, mel an man Tubud Jesus Kristus idsad Tubun, agod idsad Patu Pasek tamol, an ijanen girager aman da tan en lo ilasa wa. ¹⁴Insen id abed lo muruan isini a, an lo idsad aupasek fidian an san naon lo ipasad injiliad tamul a. Agod in wagen lo idirad go ikok tilasag insan tamolpein mok tumado da. An ninjen o urat uyan uyan ak mi tigane wo yaes isofutanad a.

¹⁵Aria, ru an tamolpein pitejanaip dulong a. Tan suek ru pidinai ak, agod kudo bek ru lo dam pidai dop satuanai a. Talpein enti on tamol kawan ak ago ibol dop dabai ganep awan wafutani wa.

Kagin uyan ak lo tatur sakar a

3 ¹On tamolpein kankan igo pidinai a. In gabman san tamol gurman agod tamol yanad anda yak sad awad paen na dumado wa. In awa yabek tamolpein ago mi dumado dop, kagin naok naok uyanan mi digane wan san tawan diganep dumado wa. ²In talpein ta patun fo uf ta digane na wak, dida nug ta dupei na wak, aenta ninjedi wo ilo sou digane wak, agod dam fidian malad lo in sad kagin mos an digane ilasa dop dile wa.

³Imug id dam ninjeo tigane na ya. Agog awa parsisalek san kagin lo tumado na ya. Ilo rawek san kagin an lo dal saian ak turi se ya. Ilo imasa san kagin, agod tinid tufutuwi san kagin, an sad urat pinein tumado se ya. Siai kagin lo tumado na ya, agod aenta siganed mel o teil saiadi se ya. Aenta id lo siai digane dugo id dam nug nug lo siai tigane se ya. ⁴Ak man saen Anut idsad binawek insan ilo panek agod ilo manek tan en lo kuai tem ilasa yan, ⁵id patud ipasi a. Idsad kagin itaot ak ta tiganep lo na in ago igane man tia ya. Tia, insiganen ilo manek lo na id injiliad a. Insan Awan Urgun iganeg id foud tilasa won an man ibol ifulanad go ikok tilasa yak on a, dal amaiak lo patud ipasi a. ⁶In Jesus Kristus idsad binawek an lo Awan Urgun tubun mok id lo iwatik idu ya. ⁷An lo

injsan ilo panek lo iganeg inj malan lo itaot tilasa ya. Ago dop an lo id injsan nanuk mok igo wonj filian a ikubune panad la yan tijane wa. Id kumaen pempem tumado san tijane wan ninjen o malan tigane tumado da. ⁸Ru an ru rumok a. Agod njaisag ilo sou lo ru an dabai nam ubol ilasa dop, tamolpein a Anut o ilod rumok an kagin diganep mel uyan uyan digane san o tinid dupani wa. Kagin naok ago yan uyanan a, agod an mi tamolpein fidian ilod lo nujon iganep ilasa wa.

⁹Ae tugtog burau ak rinjani wa. Agod saruwak san kubiaek, sumiaek sensen dam patu pani wa. Ae tugtog Moses san kubiaej ninjen o yan fidian dam nek ago mi gane wa. Man dugo, kagin naok ago yan ilo rumok adi ibinawai san tia ya, agod nujon tia ya. ¹⁰Talpein ta midaej lulujad lo gilek gidigheid igane tap, kudon wabi. Gug inj nek ago mi igane yau tap, fon kududon wabi da wa. Aria, inj imoi go kagin saian an mi igane yau tap, patu pani. ¹¹Man dugo, onj ulonj ak tamol naok ago yak sen ikubulig saian idug injsan aupasek tinin lo awan isa ya. An lo injsen yabi idu ya.

Ru wadan

¹²Murnap naj Atemas boi, tia, Tikikas boi onsa na njigane ipalu wa. Saen inj ipalup ilasa tap, onj maeg ganep dal ta ulep Gris san taun Nikapolis na wau a. Man dugo, naj ilog ibol dak madid san saen lo naj ante njumado wa. ¹³Aria, onj fon Senas kubiaej san majau tamol inj Apolos da turej fun digane wo dan o kagin pidinai a. Inj mel ta lo katuk adi tap, onj binawai a. ¹⁴Onj Kris tamolpein pitejanai dop kagin uyan ak wagai an digane wa. An lo saen talpein ta muruan ile tap, inj dibinawi uyan a. Kabelan injsad ilo rumok an nujon an tia banau.

¹⁵Tamolpein fidian naj dadi mumado dan onsa na ilo uyan ru digane ipalu da. Onj ilo rumok adi a ninjema wo dumat dan ilo uyan ru injsad na gane yau. Anut injanen ilo panek an fidian da ka amado wa.